

NY VALOSOA

Gazety miseho intelo isan-kerinandro
(Talata - Alakamisy - Sabotsy) VAOVAO

Sabotsy 6 avrily 2019

Laharana 895

Vidiny : 400 Ar

Fihonana tamin'ny Kandida TIM, Antananarivo 2

Tsiadana, Ankatsosy, Ampasanimalo 7

Matihanina ny kandidà depiote TIM, hoy Ravalolo



Rano no notakiana Embo-Reg no tonga



FILAN-KEVITRY NY TANÀNA (CUA)

5

Hatao làlana Profesora Zafy Albert ny eny Alarobia



Facebook

5

Narodana ny tranon'olona, vahiny no milaza fa tompon'ny tany

Feno sy Bodo, Boriborintany faha-3 2

Tsy manao ambanin-javatra ireo tanora mpanao fanatanjahantena

Vololona mpitolona Magro 2

Mankasitraka ireo nandray anjara tamin'ny tolo-tanana ho azy

Daka kely

«Bidon jaune» izany ny aty amintsika fa tsy «egilet jaune» ry Beakely a !

Fetra kandida TIM Boriboritany faha-5 3

Nitsabo sy nizara fanafody maimaimpoana teny Andraisoro



JSIKA

25

ANDOHATAPENAKA

Nomena ny vahiny, Total, ny tanin'olona misy titre

Mitho faona ny fanoomezana ny vahiny ny tany eto Madagasikara ary isan'ireny ny etsy Andohatapenaka nanorenana ny Gare Routière mampiotohy ny RN 1, RN4, RN6. Izay eo ihany fa ny tena mampalahelo dia namidy tamin'ny vahiny, 6 miliara Ar, namidy tamin'ny Groupe Total, nomena azy ireo ny toerana eo akaliky nanaovana tobin-dasantsy. Iraha-mahalaha anefa fa manan-tombo io tany io dia ny Filoha Marc Ravalomanana amin'ny alalan'ny Groupe Tiko Agri ary manana titre mazava tsara. Ny olana dia nomena ny Groupe Total, orin'asan'olon-tsotra vahiny ilay tany 4 ha ary nalaaina an-keriny tamin'ny Groupe Tiko, orin'asan'olon-tsotra Malava-

gasy. Ny fitondram-panjakana tamin'ny alalan'ny M2PATE ny taona 2009, tao anatin'ny tezik'asan'ny filoham-pirenenan, nosoloin-tenan'ny Minisitra Narson Rafidimanana no nanao izay fakana amboletra ny tany teo Andohatapenaka izay ary marihana fa tsy nisy fifanarahana velively tany amin'ny CUA fa mbola miandry ny didim-pitsarana kanefa dia nalain'ny fanjakanan an-keriny tsotra izao. Tsy noraharahiana mihitsy ny fitsarana eto amintsika fa samy maka izay tany rehefa manam-pahefana. Ny etsy amin'ny Gare Routière Ambohimambola dia ny orin'asa Jovenna koa no ao anatin'y. Ny eny amin'ny By Pass dia ny Shell no nahazo azy. Mbola tohizan'ny fiton-

dran-dRajoelina sy ny forongony koa io fomba ratsy io amin'izao fo-toana izao ary vao mainka aza miha-mafy ny famarotana sy fanoomezana tany amin'ny vahiny eto Madagaskara ity. Ily fanoomezana vahana ny vahiny, izay manao tsinontsinona ny tompon-tany Malagasy ity no tena manahirana eto amintsika. Mbola mitohy any amin'ny fitsarana moa ny raharaha Total sy ny Groupe Tiko amin'izao fotoana izao. Ball Emphytheotique mandritra ny 50 taona no azon'ny Total ary tsy nisy akory ny fanarahana ny pitsompiton'ny fahazoana Marchés Publics fa fakana tanin'olona tsy araka ny lalaina no niseho. Amintsika miteny izao dia an-dalana koa ilay antsoina hoe

Zones Economiques Spéciales na ZES, fomba fanomezana tany ho an'ny vahiny ihany koa io, izay ny fitondram-dRajoelina no manome vahana azy. Tany aman'hetsiny na amanan-pitrirasy hekitara izao no efa voafaritra fa lasan'ny vahiny, manaraka hatramin'ny fasan-drazañ'ny Malagasy mihitsy. Izay asa goavana rehetra tsy omena ny mpandrarahaha Malagasy, ny vidin'ny vary mora sy trano mora sy izay lazaina fa mora moa dia ny vahiny hatrany no ao ambadika mahazo tombontsoa. Tompony mangatak'atiny hatreto ny Malagasy fa ny teratany vahiny foana no mahazo rarin'ny eto Madagasikara.

Rajaonarimpanontsana

Fihaonana tamin'ny Kandida TIM Faritanin'Antananarivo

Matihanina ny kandidà depiote TIM hoy Ravelo

Nitohy tao Bel'Air Am-pandrana, foiben-toe-ran'ny antoko Tiako i Madagasikara (TIM) ny fampiofanana ireo kandida TIM.K25 eto amin'ny faritanin'Antananarivo. Nanome toromarika azy ireo ny filoha nasi-nalin'ny antoko TIM, Marc Ravalomanana mialohan'ny hipetrahan'izy ireo amin'ny toerana maha solombavamb-



hoaka azy . Fa ny tena zava-dehibe dia nisy ny fanofanana momba ny fahaiza-mitarika sy fanoomezana toromarika azy ireo Tsy ho mpanangatana fa tena ho matihanina amin'ny fanaovana politika, ka tsy ny tombontsoan'ny tena manokana no ho katsahina amin'izany fa ny vahoaka izay efa lanjadian'ny fahantrana lalina an-

kehitriny. Nahazo ny tsodrano tamin'ny filoha Marc Ravalomanana amin'ny adidy izay hiansorohany ihany koa izy ireo, mba hiady sy hiaro ny tombontsoa ho an'ny vahoaka tokoa rehefa eny amin'ny Antenimierampirenenena amin'ny resaka fanaovan-dalana.

Hellsoa

Fetra kandida TIM Boriboritany faha-5

Nitsabo sy nizara fanafody maimaimpoana teny Andraisoro



Zava-dehibe amin'ny fiainan'ny mponina ny tokony hitsinjovana ny fahasalamany, indrindra ho an'ireo sahirana ar-pivelomana. Ankehitriny, izay tsy manambola dia sahirana raha vao sendran'ny tsy fahasalamana. Eo ny fahalo-san'ny sara-pitsaboana (consultation), ny vidim-pafanafody tsy takatry ny fahafaka-mividy. Izany no nahatonga ny kandidan'

ny TIM.K25 eny amin'ny boriboritany faha-5, izay tarihin'ny lohalisitra, Feno Ralambozafimbolona sy Naina chief nanao fitsaboana sy nizara fanafody maimaimpoana ho an'ireo mponina sahirana ao amin'ny fokotany Andraisoro iny ny alakamisy lasa teo. Ny fahasalamana no voalo-han-karena hoy ny kandida Fetra, ka tsy maintsy ataonay laharam-pa-

hamehana ny fitetezana ireo fokotany marefo eto amin'ny boriboritany faha-5, hoy izy, hanomezana fitsaboana maimaimpoana ho azy ireo. Nandritra ny fitsaboana nataon'ireo dokotera Isara sitrapo nanampy ny kandida TIM tao an-toerana dia niisa 180 isa ireo nararay nahazo ny fitsaboana sahaza azy avy.

Hellsoa

Feno sy Bodo kandida TIM Boriboritany faha-3

Tsy manao ambanin-javatra ireo tanora mpanao fanatanjahantena

Tsy njery fotsiny ireo tanora mpanao fanatanjahantena ao amin'ny boriboritany faha3 ny kandidan'ny antoko Tiako i Madagasikara (TIM) ao an-toerana, izay tarihin'ny Feno Ralamboanana. Taorian'ny nanomezana Jogging ireo katitakely mpanao baolina latsaky ny 15 taona tao Ankafotsy. Befelatanana nanao fifaninanana ALEFA BAREA dia ny ekipa

mpanao baolina lavalava rugby vehivavy sy lehilahy ao Besarety sy Am-pandrana indray no notoloran'izy ireo fitaovana toy ny baolina izay nangatahan'izy ireo. Zavadehibe koa ny fahaizoana sakafa ara-pahasalamana ahazoana hefy amin'ny fanaovana fanatanjahantena. Nisy ny fanoloran'ny kandida Feno sy Bodo yaourt sy rano Olympiko ho azy



ireo. Ampiana ireo tanora mpanao fanatanjahantena mba tsy hibiroka any amin'ny zavatra hafa toy ny zava-mahadomelina hoy ny kandida depiote TIM.K25 ao amin'ny boriboritany faha-3 Feno Ralamboanana. Zava-dehibe hoy ity farany ny fitaizâna vatanana satria tsara amin'ny fahasalamana sy ny fitondran-tena izany.

Hellsoa

Ny Valosoa sy fakafaka

Vina IEM, vina mampiesona koa

Inona ary firy amin'ny Vina IEM izao no vita sy azo tsapain-tanana misongadina notanterahan'ny fitondrana Rajoelina, na manomboka ny fanatanteraha azy. Resabe avokoa ny anamarcany fa lasan-ko vavany avokoa izao rehetra izao. Ohatra amin'ireny ny hoe : raha vao tonga eo amin'ny fitondrana aho (ingahy Andry Rajoelina) dia hampiakatra ny karama farany amby ho an'ny mpilasam-panjakana ho 200.000 Ar. Tanjony koa ny hampiakatra avo roa henry ny herin'aratra azo jifaina eto Madagasikara, 400 MW ho 800 MW. Fanambiny koa hatramin'ny taona 2023 ny hampiakatra 50 %-ny malagasy hampiasa angôvo azo havaozina sy manara-penitira, ka tsy hisy intsony Malagasy na iray aza hampiasa jiro kapoaka sy labozia. Ireny no ilazana fa IEM fampiesonana vahoaka satria na ny isan'ny mponina malagasy aza tsy fantany akory indrindra ny any ambanivohitra sy any anaty ala rehetra any, koa ahoano no ilazana fa ho nyofy eto Madagasikara izany tsy fisian-jiro nentin-drazena izany afaka 5 taona? Ireo mpitondra nifandimby rehetra koa dia samy nilaza tahaka izay, samy nanana ny vinany. Raha mba niakatra kely ny fari-piainan'ny Malagasy tamin'ny fotoana nitondran'ny filoha Marc Ravalomanana: 7,1% ny fitomboan'ny harin-karena anatin'y faobé dia nadaraboka avy hatrany. Vina karazany maro no nandaloo teto fa raha jerena kosa ity fitondrana TGV, MAPAR ankehitriny ity, dia vao mainka tsy hahita mangirana ny Malagasy, hilientika any anaty lavaka mangitsokitsoka ny firenena satria mitarazoka tsy tahaka ny vava mivoaka sy fitet-siketehana bevata etsy sy eroa miampy atrik'asa fampiesonana isan-karazany ny fampandehanana ny firenena. Atao dridrangilo ny hoe Vina IEM daholo ireo tetik'asa ireo ho an'izay mahazo fitenenana eny amin'ny Radio sy Televisiona na ny mivoaka an-gazety ary indrindra ireo hilatsaka solombavambahoaka IRD, satria izay no baiko entina ilazâna fa tenaha-vita sy mahay ity fitondrana ity. Ny zava-misy sy iainana anefa dia ny mifanohitra amin'izany ary sarontsaronana vary mora sy fanoomezana kely tsy mahavita taona akory. Dia aleo isika samy hahita ny tohiny.

Rajaonarimpanontsana

Vololona mpitolona Magro

Mankasitraka ireo nandray anjara tamin'ny tolo-tanana ho azy

Mitondra teny fankasitrahanan i Vololona na Rasoavololona Elisabeth, mpitolona tao amin'ny Magro sady anisan'ny mpitarika ny Vehivavy TIM Boriboritany faha-6, tam'in'reo rehetra nandray anjara nanolotanana azy amin'ny fanohizana ny fitsabona ny fony amin'ny alalan'ny Pacemaker. « Mankasitraka antsika rehetra nandray anjara tamin'ny hetsika izay ho fidaviam-bola teny amin'ny Espace Ny Andrioso Amborompotsy Talatamaty ny alahady 31 marsa 2019 lasa teo ary nisy koa ireo nikarakara tamin'ny lafiny rehetra izay tsy tazana teny fa nandefo solontena, mba ahafahana manohy ny Fitsabona izay efa fantantsika rehetra, Isaorana lanareo izay maro be tsy ankanavaka izay tsy ho azy ho voalaiza anarana eto avokoa ka lalana tsiny. Andriamanitra ilay manakarem-pahasoavana aniehamaly fitia sy ny soa be vitanareo rehetra. Ankehitriny dia hiatrika tsy ho elia ny fitsabona ny tenako koa dia mangataka aminareo hitrotro ambavaka ahy satria dokotera no mitsabo fa i Jesoa no manasitrana. Ho tahin'Andriamanitra avokoa isika rehetra», hoy izy.



Vololona sy Izy Mianaka, teny amin'ny Espace Ny Andrioso Talatamaty.

Ny Valosoa

Ny Valosoa sy hadihady

Gasikara : firenena anjakan'ny fahalovana amin'ny endriny samihafa

Na tiana na tsy tiana dia tsy misy afaka mandà fa hita eto amin'ity firenena ity daholo ny endrika fahalovana eo amin'ny sehetra rehetra. Ny fotoir'izany rehetra izany dia ny fahalovana aratoetsaina izay sakana saroatra ihoarana kanefa dia hisatra amin'ny fampivoarana ny fiarhamonina sy fampandrosoana ny firenena amin'ny ankapobeny. Avy any ambony hatrany ny ohatra alain'ny vahoaka tahaka ka rehefa ny manampahefana na mpitondra no hita taratra fa mampiesona sy mam-pandry adrira ary tsy mikatsaka hafa tsy ny tom-bontsoan'ny tenany sy ny mpiaradria aminy dia tsy azo fehezina intsony koa ny rehetra. Dradraina fa andron'ny fitsitsiana izao kanefa dia mandary vola amina tapitrisa tapitrisa ny fitondrana entina mandeha any ivelany, manofa fiaramanidina manokana "jet privé", ny tamby karama (indemnités) sy ny ho-fan'ny hotely ho an'ny delegasiona. Eto amin'ny firenena anefy ny zon'ny mpampianatra mpikaroka eny amin'ny anjerimanontolo tsy voaefa ka votery mampiato ny fampianaranara izy ireo, ka ny mpianatra no mizioga ny vokany. Iaraha-mahalala ihany koa ny manjo ny mpiasain'ny kaominina ao Antsirabe antampon-tanàna izay tsy mandray karama efa ho roambinifolo volana izao sy ireo mandeha misotro ronono efa am-bolana maro kanefa tsy mbola mandray "pension". Nahazo dera sy laza ny filohan'ny Repoblika tany Sénégál, tsy fantatra noho ny inona, kanefa mety tsy takatry ny sainy fa mihena ny fitiavan'ny vahoaka azy eto amin'ny fireneny na dia mirazotra amin'izany aza ny fiparitan'ny "vary mora". Midika ho fahalovana eo amin'ny fitantantana ny firenena izao zavatra mitranga izao. Manampy trotraka izany ny fahafantan'izao tontolo izao fa ao anat'ireo firenena dimy mahantre indrindra i Madagasikara ka mety ho no-tondroin'ny "sénegalais" molotra tany ambadika ihany ny delegasiona malagasy. Tany tan-dalàna, hono, ny eto kanefa dia ministrira amperin'asa no miaro ny fibolisaran'ny namany, mihoa-pefy, izay mampifangaro ny raharaha-panjakana amin'ny

fampielezan-kevitra ataony amin'ny maha kandidà depioete azy. Mbola tsy tonga eo amin'ny sezà ho mpanao lalàna aza izany vehivavy izany dia efa mampiseho fahalovana, ka raha tonga amin'ny tan-jona tiany ho tratrarina izy dia tsy hisy fanafany intsony izany fahalovana izany. Ny politisiana gasy etsy ankilany dia tsy mena-mividika, ka mbetika lokon-dôranjy, avy eo manga ary ny hiafarany dia ho maimbo eo amin'ny fiarhamonina ka handosi-ran'ny mpiarabelona. Ny mpitsara izay noheverina ho hitsiksika hivavahana kanjo papango nipaoka ny akoho rehefa nifindran'ny fahalovana, angamba, noho ny fitiavam-bola. Iaraha-mahalala ny tranga tany Toamasina momba ireo mpitsara naato amin'ny asany rehefa nanome fahafahanana vonji-maika ilay atidoha amin'ny fakana an-keriny. Tsy miafina ihany ny zava-mitrange any amin'ny toe-ram-pitsaboana isan-tokony any izay mampitaraina ny manana marary satria tsy takatry ny fahafe-mividin'ny olona intsony ny sara-pitsaboana izay miendrika kolikoly. Matoa amin'izao fotoana izao ta-fiditra amin'ny fanafihana mitam-piadiana hatra-min'ny mpitandro filaminana dia angamba, noho ny fahitân'izy ireny ny elanelana misy eo amin'ireo le-hibe mpibaiko azy sy izy ireo eo amin'ny fahafahanana vola haingana noho ny fiandrasana fisondrotana. Mahavariana tokoa mantsy ny mahita ireo fampi-karana grady eo amin'ny mpitandro ny filaminana satria ny efa manana kintana ihany no hampitombina ao anatin'ny fotoana fohy ny kintana ananany fa ny aty ambany dia mikatso. Fahalovana arao-toetsaina eo amin'ireo mpizara grady izany ka samy maika amin'izay maha-maika azy ny tsirairay ka tsy afaka hanantena ny efa "lo" hiverina ho tsy misy pentina. Miandy ny fanafody hamongorana ny fahalovana misy eto amin'ny firenena ny Malagasy tsy vakivolo sao ho "lo" eto daholo ka ho maimbo sy handosiran'ny olona na ho raofin'ny vahiny dia hanjakany amin'izay ny tany.

Andry Tsiavalona

FITONDRAÑA RAJOELINA**Fitondrana mpanao «copie-coller »**

Samy mahafantatra ilay fiteny hoe « copie-coller » na « maka tahaka » raha adika tsotsotra isika, ary dia izay koa no atao'nny filoha Andry Rajoelina amin'izao fotoana izao fa tsy manana Vina matotra. Ny antony dia tsota, kevoka ery ny anao lahy raha namitaka vahoaka fa manana vina IEM izay novolavolainy tany ivelany tany ka nentina teto Madagasikara nanaovana fampielezan-kevitra ary tao anatin'izany ilay TanaMasoandro, tanàna vaovao haorina eto Antananarivo, hay ny tany Senegal no nalaïny tahaka fa tsy vina nofinofy lazainy fa izy no namorona azy. Ry zereo Senegalais mantsy dia efa nhavita ny azy herintaona lasa mahery izay. Afaka nanao tanàna vaovao izy satra firenena efa lasa lavitra raha oharina amintsika. Isika kosa dia mialina amin'ny nofinofy, mbola mangataka sy mando-ha-likha amin'ireo firenena hafa vao afaka manao



fotodrafitr'asa goavana tahaka ireny raha tsy hoe angaha hanondrana antsokosoko ireo Andra-mena sy ny harena an-kibon'ny tany na andranomasina toy ny natao nandritra ny Tete-zamita indray. Mbola "copie-coller" koa ilay lalana migodana (Auto-route) mampitohy an'Antananarivo sy Toamasina izay efa ny filoha Didier Ratsiraka sy ny

mierandoholona, natao tany Sénégál izany ary nanamboarana foibe mpamokatra angôvo avy amin'ny masoandro. Fakan-tahaka nolazainy koa izay fa mbola tsy no-tanterahany hatreto. Santionany fotosiny ireo, fa raha ny fandinihan'ny mpanara-baovao dia mbola tanora fanahy ny mpitondra antsika ka mbola miana-draharaha. Ny fanirian'ny maro dia ny hahaizany amin'izay, mitondra ny firenena amin'ny tokony ho izy satria efa voafidy ara-dalàna . Izay tenany ihany no nanambara fa nandritra ny tsy nahateo azy tamin'ny fitondrana, nandritra ny fitondrana ny filoha Hery Rajaonarimampianina dia izay vao nitombo ny fahamatorany. Ny hany tenin'ny vahoaka Malagasy sy andrandraina dia enga anie ka tsy ho "copie-coller" intsony no itondrana ity tanindrazana iombonana ity.

Rajaonarimpanontsana

NY TENY FIAINANA

Matio 24:26

Ary amin'izany, raha misy manao
aminareo hoe: indro, any an-efitra Izy,
aza mankany hianareo; indro, ao amin'ny
efi-trano Izy, aza mino.


NY VALOSOA
www.gvalosoa.com
Narodana ny tranon'olona, vahiny no milaza fa tompon'ny tany

Philibert Ranaivoson: trano narodana ety Ampitafika. Mahina fa vahiny sinoa no milaza fa tompon'ilay tany. Mampalaelo ny vahoaka, mgataka atiny amin'ny tanindrazany.

Raozy Gasy Ranja : Chine in Mada fa tsy Made in Chine e, mampalaelo ny vahoaka amin'ity resaka tany ity.

Olga Ranorosoa : mampalaelo be, ny vahoaka madinika Malagasy ndray no voahilikily ny chino. Tsy matahotra ny alahelom-bahoka ireo mpitondra sy ireo vahiny mpaka tanin'olona.

Hery Charles Rajaoharimana : velirano leisy zany angamba kou. Lalaly anie izao tsy tompon tany intsony eh. Fa vahiny no omena tombon-dahiny eto el! Sarbakolim-bazaha ny mpitondra.

Iandry Radonandrasana : miampy Maurice, sénegalais, frantsa, karana ireo mpaka ny tanin'ny vahoaka ireo.

Brigitte Razafindralambo : sahia, sahia ny communal! Ho tapiry ny vazaha, sinoa sy karana ny tanitsika eto raha izao no mitohy. Mampalaelo ny olona efa nanajary ny tany nandritra ny fotoana maro.

Christine Andriantompo : tany efa misy titre izao, mbola sahin'ny mpitondra omema vahiny ihany, tena efa fanjakan'i Baroa ny eto Madagasikara.

Gérard Rarija: efa tany tsy tan-dalàna intsony ny eto amintsika amin'ity resaka tany ity, misy efa hatramin'ny dadabe no tec ireo olona, nefà dia narodana ny tranony, lasan'ny vahiny ny taniny. Tsy fantatra intsony hoe: aiza no hitaraina ireo vahoaka Malagasy? Tsy misy mapiro intsony izy ireo amin'ity resaka tany ity.

Maurice Raveloarajona : tsy eto Antananarivo sy ny manodidina ihany io tany lasan'ny vahiny: karana, sinoa, frantsay, sy ny sis... io fa saika manerana an'i Madagasikara mihitsy. Very fanahy mbola velona ny vahoaka fa lasan'ny vahiny ny taniny, arodana ny tranony nohariana nandritra ny taona maro.

TONONKALO**lasa indray ny telo volana**

Nanantena be "zahay fa hisy fiowana haingana, Hisy tranobe mijoro, hisy zavatra mivangana, Hisy lala-migodana, ho foana hatreo ny fitohana, Hidina ny saran-dalana ka ho faly ireo tsy manana.

Nanantena be zahay fa hisy fiowana lalina, Hilamina ny iray tanàna na ny antoandro na ny alina. Ho resy tosika ny ratsy, tsy hanana mapiro intsony, Ary ho feno ifitalana na ny ambany na ny ambony.

Kanjy ity misosa ny andro, lasa koa ny telo volana, Fa vao mainka mihamaro sy mitombo hatrany ny clana. Ebobe sy hadedhana no aseho mba ho firavaka, Sainy izato firenena, mihamivarina any an-davaka.

Tsy mba masoandro mihiratra, halizina no hany tazana. Tsy ao anatin'ny mpitondra ny fitiavam-tanindrazana. Ny heveriny ho ambony dia fitiavana hafa anarana, Hahafahany mitavana ireo haren-tsy nisarasanana.

An-tsary misongadina Ny Valosoa Vaovao

Njaka, Helisoa

Ny kandida Fetra nanolotra fizaham-pahasalamana ho an'ny vahoakan'ny Boriborintany faha-5 teny Andraisoro



HETSIKY NY OLOM-PIRENENA

Nosantarina ny fanadiovana ny teo amin'ny tobim-piantsonana

Raikitra ny hetsika ho fanetsehana indray ny olom-pirenena tao Antsirabe ny sabotsy teo. Hetsika fanadiovana faobe ny tobim-piantsonana no nosantarina tamin'izany, ka nanasana ireo tompon'andraikitra maro teto Antsirabe. Voaporofy ny fifanomezan-tanana nandritra ny hetsika natao teny amin'ny tobim-piantsonana Vatofotsy. Tompo-marika tamin'ny hetsika ny rantsa-mangaikan'ny Ministeran'ny kolontsaina sy ny serasera fa nitarika ny fanadiovana sy ny fandiminana teto kosa ny Préfet an'Antsirabe, , teo anivon'ny Faritra izay notarihan'ny Lehiben'ny Faritra mpisolo toerana sy ireo mpiara-miisa aminy. Raha fitaterana ny resaka dia tompony tanteraka ny avy ao anivon'ny foibem-parity ny fitaterana izay notarihan'ny talen'izany departemanta izany, torak'izany ihany koa ny ao anivon'ny foibem-parity ny fidiovana sy fanadiovana. Olona an-jatony maro tonga teto Vatofotsy nitondra ireo fitavam-panadiovana maro samihafa toy ny kifafa, angady, la pelle sy ny maro hafa. Ireo sampan-draharaha hafa toy ny prefektiora, ny Faritra sy ny Kaominina kosa dia namoaka ireo fiara vaventy ahafahana mitatitra ny fako sy ny katsaoka nanotofana ireo lavadavaka. Ny teo anivon'ny foibem-parity ny fidiovana sy fanadiovana dia namoaka ireo daba fanarana fako sy ny kajokjam-panadiovana maro samihafa toy ny "brouette". Ankoatra ireo fitaovana nampiasalaina dia samy nitondra ny mpiara-miisa aminy avokoa ireo sampan-draharaha na miankina na tsy miankina, samy nanao fanamiana mitovy izy ireo ary naneho fahavitrhana sy fahazo-toana. Fantatra raha ny nambaran'ny Préfet an'Antsirabe fa hotohizana isam-bola ity hetsika ity ary nentanaria ihany koa ireo any amin'ny kaominina mba hanao toa izany isam-bola satria dia tsapa fa fahombiazana ity nosantarina ity.

Solohery

Sakafo Ny Valosoa



Lasopy tongot'omby indray no laoka amin'ny Sakafo eto amin'ny gazetinao androany. Lasopy legioma sy tongot'omby izy ity. Dia mihinana finiritra tompoko.

NY VALOSOA sy Mahavariana

Ny soa azo avy amin'ny voankazo poara


Ny soa azo avy amin'ny voankazo poara indray no Mahasoa eto amin'ny gazetinao androany. Ity voankazo ity dia ahitana vitamina C, K, E, vy, fibres. Mampidina ny tahan'ny "cholesterol", mampitombo ny hery fiarovana, misoroka ny fahanteran'ny hoditra aloha loatra, manadio ny any anaty, misoroka homaiadana, misoroka ny mety ho fahatapahan'ny lalandrà. Mahatsara ny fahasalaman'ny fo izy, misoroka ny aretin'ny tsinay, manamafy ny taolana, mahatsara ny fahasalaman'ny nify sy ny ati-vava, manafaingana ny fahasiran'an'ny fery.



NY VALOSOA sy Mahavariana

Ny tanànan'Andramasina amin'ny faritra Analamanga

Ny tanànan'Andramasina amin'ny faritra Analamanga indray no Mahavariana sy Mahaliana eto amin'ny gazetinao androany. Kaominina ambanivo-hitra ity tanàna ity, renivohitrity ny distrik'an'Andramasina. Mamoka-bary Andramasina, vokatra any koa ny ovy. Efa vita tara ankehitriny ny lalana mihazo ity tanàna ity, raha lalan-tany izany tany aloha. Avy eo amin'ny tetezan'Ambatofotsy Atsimondrano no mivily mankany Andramasina.



Apkalypy 3: 19

Faminaniana sy fanambarana ho an'izao tontolo izao (GV 125), Madagasikara 02 aprily 2019

Apokalypy 3: 19 "Izay rehetra tiako no anariko sy faizako; koa dia mazotoa hianao, ka mibebaha."

Raha tsy misy mpaminany tsy misy ASA ataon'ny Fiagonana. Tsarovy fa ny Apostoly dia tao anaty Fiagonana ary samy manao ny ASANY, hany ka nifindra ny ASA. Tsy avy AMIKO ny mpaminany raha tsy ny ASAOKO no ataony, izany hoe: manohy izay nolazain'ny teo aloha. Ireo mpaminany efa maty dia nahavita ny asany ary manangana vaovao indray AHO. Ary izao no aza adino, maneran-tany dia nasiako mpaminany, mety ho lehilahy, mety ho vehivahy araka ny safidiko ihany, raha mbola misy koa ny Fiagonana tena mitoky AHY JEHOVAH sy ny FOMBAKO ary ny Fanambarana an'i JESOSY Izay nalefako teo aminareo. Ireo dia manambatra mandrakariva fa tokony hibebaka ny olona mba tsy ho ngana na ho very any amin'ny "HELO". Ireo dia mammiomanantra mandrakariva fa mbola ho avy JESOSY haka izay mahatoky sy maharitra tsara. Avy amin'izy ireo no nivoahan'ny Zava-miafin'ny Farjakako, ny momban'i JESOSY rehetra. Ny tsy maintsy hahatongavan'i zany Farjakako izany ambany masoandro, ny adin'ny tany sy ny Lanitra, ny arivo taona, ao koa ny Jerosalema vaovao, ny fiafarant'izao tontolo izao, ny fitsarana ny velona sy ny maty, ny Fam-pakarana sns... Tsy fantatry ny Misionera sy ny evanjelistra, ny mpiandry na pastera sy ny mpampianatra izany raha tsy alefa aloha ny mpaminany mitondra izany HAFTA TRA izany. Ary tsy mijanona eo faomena azy ireny indray ny HAFATRA mikasika izay tokony hatao sy ny fiomanana rehetra ary dia omen'ny Fanahy Masina ireo mpanompoko rehetra ireo ny tolo-tsaina mba hahafahany mamoka izay tiako hambara sy tokony ho fantatry ny olona. Ka raha izany no izy, atao ahoana ny manampim-bava azy ireny. Ny tsy fantatratreko dia tsy mifanohitra velively izay lazain'ny mpaminany na dia miparitaka etsy sy eroa aza izy ireo. Ny mpaminany mantsy dia manana Fanahy mandefitra mandrakariva, mahafihim-bava arak'ireo fiainan'ny olona miafina miraka AMIKO. *Jeremeia 3.* Tsy mba tia tabababa sy ady, tsy tia fanditra, tsy mba manala baraka olona, tia fihavana mandrakariva, miaritra zavatra maro ary tsy manala raha tsy voambarany izay asaina ataony; mampita hafatra ampahtatoniana amin'ny olona arak'izay ibalkoana azy, izany dia mety ho any amin'ny olona tsotra, mpitarika, mpitondra Fiagonana isan-tokony, firenena, olom-pirenena, mpitondra Firenena, Fiagonana, tanana, marobe izany araka ny zavamisy sy ny fahitako JEHOVAH. Izao no tiako hambara; ampidinina ao amin'ny mpaminany aloha ny zava-miafina dia henoin'ireo ministera miaraka aminy. Izay anie vao manan-javatra ho toriana izy ireo el Raha tsy ampa-hafantarina ny mpaminany izay tiako hatao. Tamin'ny alalan'ny mpaminany avokoa ireo HAFATRA no nambara dia nandroso ny ASA mba haharesy lahatra anao. I JAONA mpanao Batista dia tany an'efitra no nisehoana sy

nampianarinina ary nampahafantarana azy, nampita izy avy eo, moa va tsy tohizanareo izany ankehitriny? Izany ary ny asan'ny mpaminany ka eko Ihany, averlimerberiko foana izany Tekniko JEHOVAH izany mba tsy ho lat-saka eo aminareo fa Fahamarinana. Hitanaereo ny apostoly sy izay nomena an'i JAONA? Hoy izy, **Apokalypy 1: 9-11** "[Ny fisehoan'ny voninahit'i Kristy] Izaho Jaona, rahalinareo sy namanareo amin'hy fahoriana ary amin'ny fanjakana sy ny faharetana ao amin'ny Jesosy, dia tao amin'ny nosy atao hoe Palmo noho ny tenin'i Jehovah Andriamanitra sy ny filazana an'i Jesosy. Voatsindrin'ny Fanahy tamin'ny Andron'ny Tompo aho ka nahare feo mahery teo ivo-hoko, toy ny feon'ny trompetra, nanao hoe: Izay zavatra hitanao dia soraty eo amin'ny boky, ka ampitondray ho any amin'ny fiagonana fito, dia ho any Efesosy sy Smyra sy Pergamosy sy Tyatira sy Sardis sy Filadelfia ary Laodikia." Izay nampahitana azy sy noresahana taminy dia nasaina nosoratany mba tsy hisy ho latsaka. **Apokalypy 1: 17-20** "Ary raha nahita Azy aho, dia lavo niankohoka tahaka ny maty teo anoloan'ny tontony. Fa izy nanendry ahy tamin'ny tanany ankavavana ka nanao hoe: Aza matahotra; Izaho no Voalahany sy Farany, dia liay velona; efa maty Aho, nefy, indro, velona mandrakizay mandrakizay sady manana ny fanalahidin'ny fahafatesana sy ny fainan-tsi-hita. Koa soraty izay zavatra efa hitanao, na izay zavatra ankehitriny, na izay zavatra mbola ho avy rahatrizay, dia ny zava-miafina ny amin'ny kintana fito izay efa hitanao teny-an-tanako ankavavana sy ny fainan-jiro volamena fito. Ny kintana fito dia ny anjelin'ny fiagonana fito: ary ny fainan-jiro fito dia fiango-nana fito." Anjaran'ny tsirairay izay manao ny ASA, araka ny andraikiny avy no mamoka ny teny, mitoky ny teny, mampianatra ny teny, mitandrina ny teny, mampita ny teny. Noho izany teny rehetra izany dia aoka re, aoka re AHO hiasa ao amin'ny mpaminany! Fa aza tonga dia mitsara be fotsiny ihany. Marina fa misy tokoa ary tena misy mihtsy ny mpaminany sandoka. Toy inona indray izy ireny mba hitandremana?

Mbola hitohy

Amen! Haleloia!

JEHOVAH MPANJAKA MANDRAKIZAY

Telephone : 033 12 461 43

E-mail:

jehovahandriamanitra@gmail.com

Facebook : Jehovah Andriamanitra page

Radio:

Antsiva, FM 97.6, Alarobia maraina 5ora 45min-6ora

Soa Radio, FM 96.8, Alahady maraina 6ora 30min-7 ora

RMK, FM 102.4, Asabotsy 12 ora -12 ora 30min

Gazety Ny Valosoa Vaovao (www.gvalosoa.com): mivoaka Talata sy Asabotsy

FILAN-KEVITRY NY TANANA (CUA)

Hatao lalana Profesora Zafy Albert ny eny Alarobia

Fanapahan-kevitra maromaro no noraisina sy tapaka nandritra ny favoriana tsy ara-potoanan'ny Filan-kevitry ny Tanana'ny Kaominina Antananarivo Renivohitra (CUA), tetsy amin'ny Japan'ny Tanana Analakely, nandritra ny 3 andro ary nifarana omaley. Tapaka nandritra izany ny fankatoavana ny fanomezana anarana ny lalana etsy Alarobia hitondra ny anaran'ny Profesora Zafy Albert, araka ny fangatahan'ny fianakaviana, sy ny fametrahana tsangambato mitondra ny sarin'ltompolokahy, toy izany koa ny fametrahana tsangambato iray ho an'ny FISA (Fianakaviana Sambaratra) eny Andavamamba. Hisy ny fifandaminana

eo amin'ny Easy Park sy ny CUA mahakasika ny vola takiana amin'ireo Parking eto Antananarivo, hiara-hivory ny komity manokana momba izany ny alarobia ho avy izao. Fankatoavana ny famatsiam-bola avy amin'ireo mpirala-miombontoka toy ny fikambanan'ireo Ben'ny Tanana iraisam-pirenenana sy ny ao Paris, ho fanatsarana ny tobim-pahasalamana tantanan'ny kao-minina Antananarivo Renivohitra miisa 4. Ny fanomezana alalana ny AUGA (Agence d'Urbanisme pour la Gestion d'Antananarivo), na sampan-darahara momba ny tanan-dehible, amin'ny antsoina hoe Plan d'urbanisme de details, na drafitra antisipirany mom-

ba ny tanan-dehible. Ny fampanarahan-dàlana ireo moto mifamezivezy eto Antananarivo, indridra ireo scooter. Mahakasika ny fangatahan'ireo mpanolotsainan'ny tanana vitsivilsy amin'ny famarotana ny tanin'ny Kaominina dia napetraka ho fahendren'ny mplsara ny raharaha satra efa eo am-panaovana ny famotorana sy ny fanadihadihana izy ireo. Ny Filan-kevitry ny Tanana izay efa nanao fanapanhan-kevitra fampiatoana momba ireny famarotana tany ireny. Marihina fa ny fanapanhan-kevitra tapaka dia lanin'ny maro an'isa izay voafaritry ny lalana.

Serge



Ireo nanatrika ny fotoam-pamaranana ny favorian'ny Filan-kevitry ny tanan'ny CUA omaly, tetsy Analakely.

Resaka kabary Antsirabe

Natomboka ny fankalazana ny faha-15 taonan'ny FIMPIMA

Natomboka ny alahady teo ny fanokafana ny fankalazana ny faha 15 taona nijoroan'ny Faritan'y FIMPIMA Antsirabe, ka natomboka tamin'ny alalan'ny hetsika sy seho maro loko, no nentina nanamarika izany tao amin'ny tranoben'ny kolotsaina, ka isan'izany ireo kolontsaina mampiavaka ny maha malagasy toy ny don-tany sy kapo-tandroka, kalon'ny fahiny, ary hetsika sy seho maro samihafa. Lanonana milavaka izay natrehan'ireo tompon'andraikitra avy eto anivon'ny Faritra Vakinankaratra izany. Nandritra izay 15 taona izay dia tsapa ny firoboboraoan'ireo vehivavy mpikabary niditra tao anatin'ny sehatry ny fikabariana, raha toa ka nisy fane-soana azy ireo tamin'ny andro fahiny. Raha ny tantara dia ny taona 2004 no niorenanty Fikambanana ity, ka tamin'izany dia mbola Sampana Alliance Française no nisy ary nan-



tsoina hoe Sampana FIMPIMA eto Madagasikara. Ankehitriny, raha ny mpikambana ao anatin'ny Faritan'y FIMPIMA Antsirabe ity no jerena dia efa mahatratra hatrany amin'ny 1000 mahery izy ireo, ao anatin'izay anefia dia misy ilay antsoina hoe mpikambana tsotra na marefo izay manadindino ny andraikitra tokony ho raisina ova anaty fikambanana, ary eo ihany koa ireo efa mpikambana rai-kitra izay nhafeno ny fepetra rehetra, ka nosolarana ny lamba FIMPIMA. Ny ivon'ny Fanka-

lazana kosa dia ho tontosaina ny faha 13 ny volana jolay ho avy izao, amin'izany no hamoahana ireo andiany tamin'ny taom-piofanana 2018-2019, ary ny famarana ny fankalazana dia ho tanterahanana ny faha-12 ny volana Oktobra 2019. Teto dia nana-mafy ny filoham-paritany ny Faritan'y FIMPIMA Antsirabe amin'ny famporishina ireo mpisehatra rehetra amin'ity kaby-ity mba hiditra anaty fikambanana indridra fa ireo Vehivavy.

Lezama

ZANDARY MAHAJANGA

Tsy misy fitongilanana sy kitranoantrano

Vavaka iraisam-pinoana no nisanteran'ny Zandary tany Boeny ny fankalazana ny andron'ny 02 aprily, izay notarifan'ny Komandin'ny fari-piadian'ny Zandariniam-pirenena any Mahajanga ny Kolonely Ralavoanary D'y La Paix tao amin'ny Toby Kolonely Jean Phillippe. Teny fanañana sy fampahatsia-hivana ny fahefana sy ny andraikir'ireo Zandary sy ny manampahefana no nasongadın'ny mpitrika ny fivavahana. Tao-ran'izay dia niros tamin'ny fampahatsia-hivana ny tantaran'ny Zandariniam-pirenena malagasy sy ny datin'ny 02 aprily 1969, andro izay nandraisan'ny Jeneraly Richard Ratsimandrava ny asany ho komandy malagasy voalo-hany ny Zandariniam-pirenena ny fotoana. Nambaran'ny Koman-



Vavaka iraisam-pinoana, namamarihana ny andron'ny zandary tany Mahajanga.

din'ny CIRGN Mahajanga fa nanomboka ny 02 aprily 1969 hatramin'zao 2019 dia mises 19 ireo Komandy Malagasy nifandimby nitantana ny Zandarinaria, anisan'izany ny Jeneralny Njatoarisoa Andrianjanaka izay mitantana ankehitriny. Nitohy tamin'ny fampahafantarana ny andraikitra sahanin'ny zandary any Boeny, izay naseho tamin'ny alalan'ireo sary nampiran-

tiana tao amin'ny Lapan'ny Tanan'ny Mahajanga. Kaonferansa nahina adi-hevitra ho an'ny rehetra ny folakandro no namaranana ny fanamarihana ny 02 Aprily ho an'ny zandary tany Mahajanga. Zandary ambany lalana Araka ny antontan'isa nomen'ny Komandin'ny CIRGN Mahajanga dia mises enina ireo Zandary nanao fandikan-dalana naiditra amponja ary 12

voasazy ara-miaramila raha ny tao Mahajanga tamin'ny taona 2019 ity. Mises 19 kosa no notolotra fankasitrahaha nohon'ny fanatsarana 'izy ireo ny asany; fanenjehana dahalo, fahatranana ireo fiarabe mpitratitra entanta tsy ara-dalana sy sakafio lany daty teny amin'ny lalam-pirenena faha-4. Tsy misy fitongilanana sy kitranoantrano ny Zandarin'i Mahajanga hoy ny Komandin'ny CIRGN ka hosokafana etc. Mahajanga amin'ity volana aprilny ity ny "Cellule de traitement des doléances" sy ny "Cellule contre la corruption" hitandroana ny filaminam-bahoaka sy hiadiana amin'ny kolikoly. Nanome vominatra ny lanona rehetra ny Lehien'ny faritra Boeny mpisoloerana, Bazezy V. Clavelah.

Ny Valosoa

Andron'ny zandariam-pirenena

Naseho ireo vokatry ny asan'ny zandary tao Antsirabe

Na somary nangningina aza dia tsy nanadino ny andron'ny zandary ny tetra Antsirabe. "Zandarinaria madio, matihanna, mahavita ny andraikiny, afaka mialo ny andrim-panjakana, ny olona ary ny fananany", io no filamatra ho an'ny zandary manerana ny nosy. Samy nanamarika ity andron'ny 2 Aprily ity avokoa ny zandary rehetra manerana ny nosy ary samy nampiseho ny asany sy ny maha izy azy tsirairay avy, arakaraky ny toerana misy azy. Ho an'ny zandarin Antsirabe dia ny fampahafantarana ny asan'ny zandary no noeza-hina naseho misimisy kokoa mba ho fantar'ireo mikasa hanao ity



asa fitiavan-tanindra-zana ity. Ankoatr'ireo fampahafantarana ny zandary ireo, nisy ihany koa ny fampirantiana ny amparahy tamin'ireo kara-zana basy marobe tra-ta any amin'ireo dahalo sy jolahy teto Vakinan-karatra. Fantatra ary

raha ho an'ny teto Vakinankaratra fa efa manodidina ny 400 ny isan'ireo basy tratra tamin'izany saingy amparahy ihany ireto naseho ireo. Tokony ho hita taratra amin'ny fandraisana sy fomba fiasa ihany koa ny fitondran-tenan'ireo zandary, indrindra amin'ny

fiadiana amin'ny kolikoly mba hanamora ny fomba fiasa sy hifandraisana akaiky amin'ny vahoaka raha te - hahavo vokatra tsara sy hampandry fahalemana, hoy ny tompon'andraikiray ny zandary tao an-toerana. Ankoatr'ireo fampirantiana sy fampahafantarana ny asa, nisy ihany koa ny asa soa nanamarihana izany tamin'ny alalan'ny fanomezan-drà nataon'ireo zandary. Tanjona ny hanampiana ireo olona mila rà eny amin'ny hospitaly nefa tsy manambola hanatanterahana izany, izay hetsika efa fanao isan-taona ihany ary tsy hadino satria izay manome rà manome aina hoy izy ireo.

Lezama

SARIITATRA : Building mitsivalana kay no mety aty amintsika



Fitateram-bahoaka

Lasa gaboraraka ny asan'ny taxibe : tsy mahavita ny asany ny ATT

Maro amin'ireo taxibe amin'izao fotoana izao no manao izay maha diavolana ny fony amin'izay hanatanterahany ny fitaterana ny vahoaka. Iray anisan'izany ny taxibe 133, sy 143 mihazo an'Itaosy. Tsy hita intsony izay mba fanarahamaso ataoan'ny ATT fa izay ataoan'ny kaoperativa fotosiny amin'ireo zotra ireo no iainan'ny vahoaka. Ao anatin'izay indrindra ihany koa ny zotra oa anatin'ny kaoperativa KOMAFILA sy ny KOFIMI izay mainga eo amin'ny CNAPS Ampefiloha ka mankany Avarabohitra sy ny mankany amin'ny Cité Itaosy. Mampalahelo ny vahoaka fa tsy hitany izay hitarainana. Mbola misy tomponandrainitra momba izany fitaterana izany ihany ve?, hoy izy ireo. Tena misy ilana ireo tomponandrainitra ny ATT ireo ihany ve? Hatreto, tsotra ny an'ny vahoaka, tsy mahavita ny asany ireo olona ao anatin'io sampaan-draharam-panjakanana io, fa mijaly izy. Mandany volam-bahoaka fotosiny ireo. Mba nosoloina ihany ny lehiben'ny ATT fa tsy hita izay flantralikany aty amin'ny fainam-bahoaka isan'andro miatrika adim-piañana eo amin'ny fitaterana. Tsy hita hatramin'izao izay fepetra noraisina amin'ny fampiharana ny sazy ireo mpitratitra tsy manaja ny asany. Efa ela ihany izay nitarainan'ny vahoaka izay fa toy ny tsy nisy izany ATT misahana ny fitaterana an-tanety ihany namaha ny olana. Rehefa tsy mahavita asa sy andraikitra tena ilan'ny vahoaka azy dia tokony hametra-pialana. Izany dia hatrany amin'ny ministera misahana izany, fa tsy ilana volana enina na faran'ny taona vao hamaha izany olana izany. Matoa ny ministra misahana ny fitaterana tsy nisy vahaolana naroso hatreto dia tsy mahafantatra marina ny zava-misy iainan'ity vahoaka Malagasy ity. Tsy tokony hijanona maharitra elia eo amin'ny fitantanana izany olona izany sy ny ekipany.

Radafy

Synodam-paritany Avaratr'i Mania

Nankalazaina ny jobily faha-30 taonan'ny filoha

"Tsy amin-kery na amim-pahatranjaha fa amin'ny fanahoy Jehovah Tompon'ny maro"... Io no tenin'Andriamanitra nentina nanamarihana ny fotoan-dehibe teo anivon'ny SPAM ny alahady 24 martsa lasa teo, izay nanaovana lanonana roa sosona, dia ny fanokafana ny Jobily faha-30 taona niasan'ny Pastora Ratolojanahary Andriamanampisoa mivady, Filohan'ny Synodam-paritany Avaratr'i Mania SPAM, sy ny fangataham-pitahiana ho an'ny taom-piasana 2019 eo anivon'ny Synodam-paritany Kristianina maro avy amin'ny lafivalon'ny SPAM no tonga hilara-niombom-bavaka teto. Tsy niolonolona irery ny fianganana teto fa nanasa ireo mpitonondra fanjakana avy eto an-toerana, efa maro rahatoe ny sehatra ny fiarahamiasa misy eo amin'ny fianganana sy ny fanjakana hatramin'izay. Tonga nitarika ny fotoana ny Pastora David Rakotoniaina, Fihan'ny Fianganana Loterana Malagasy, natrehan'ireo tompon'andraikitra isan-tokony teo anivon'ny FLM. Teo amin'ny sehatra maintso SPAM no nanaovana ny fiarahamiosom-bavaka ary nitohy teny amin'ny Lycee Privé Mangarivoa izany taonan'ny fotoan-pivavahana. Mbola hitohy amin'ny hetsika maro ity fankalazana ny Jobilin'i Pastora ity fa fanombohana aloha ity nosantarinana ity.

Solohery

29 martsa 2019, Antsirabe

Ny fanamarihana tamin'ity taona ity no be olona indrindra

Toy ny isan-taona dia efa fanao mahazatra ny fanomezan-boninahitra ireo mahery fo tamin'ny tolona 1947 izay atao manerana ny nosy. Fanompoa-pivavahana iraisam-pincana, fangalaham-pitahiana ho an'ny tanindrazana, ary fanomezana mari-pankasitrahaha ho an'ireo bekotro maroholatra sy ny fahetrarahana voninkazo tamin'ny tsangambaton'ny mahery fo. Ireo no zavatra notanterahina ny datin'ny 29 Martsa, izay niraian'ny avy eo anivon'ny tafika sy ny olom-pirenena maro. Raha ny teto Antsirabe manokana dia sambany hoy Ramaloba Prefet teo aloha Andriantomponera Voahangianimo no be olona indrindra ny fankalazana ity daty ity, raha mitaha ny tamin'ny teto taona nifanesy teo aloha.

Lezama

An-tsary misongadina Ny Valosoa Vaovao

Njaka sy Helisoa

Ny fampiofanana ireo kandida TIM faritanin'Antananarivo teny Bel'Air, notarian'ny Filoha Ravalomanana.



Feno, kandida TIM Boriborintany faha-3, nanolotra fitaovana ho an'ireo mpanao rugby.

